

A mym Bächli

f', d', (B-Dur) n. Bel. Duett

I tue mi gärn am Bächli nah
bim Fische chly vertöre, u freue
mi, wen i derzue es Amslelied
cha ghöre. U freue mi, wen i
derzue es Amslelied cha ghöre.

Bysst öppe mal kes Fischli a,
das tuet mi nid verdriesse, mys
Bächli, dert im Erleholz, chan i
dänk glych-wohl gniesse. Mys
Bächli, dert im Erleholz, chan i
dänk glych-wohl gniesse.

U öppis chunnt mer ou no
z'Sinn, das will i euch verrate:
im Bächli hets o Liedli drinn, wo
mängisch gar hübsch grate. Im
Bächli hets o Liedli drinn, wo
mängisch gar hübsch grate.